

**Ма мўвем хөлэнтлэм**

Хөлэнтман ши вуйэмлайэм. Вөлмитемэн, Хятэл йух тыйэт сайа пентмаж пурайэн, сорњи хот овэл нух ши пуншлэлэ. Хот питэрлал па хот ланлэлэ әл ши вульилэт, әл ши вўрлэлэт. Ма семнелам ант елэмэлнэн, ләп ши хәнлелам. Хятэл имэв сорњи хотела лунэл па ил вуйэмла. Щата Хятэл имэв навремэт па уллэт, ма луваттем эвэт па пухэт. Хятэл йош питтыйэн, аңкем лупты щирэн, Хятэл имэв йошэл мўнэв мәслэ. Хятэл йош ар ки, аңкем щирэн, щит Хятэл имэн навремэт мўва йухэтсэт мўн пилава йунтты, иши луват навремэт пила... Щәлта Хятэл имэн хотэл эвэлт етэм ма вантсем. Ма вантэм щиремэн, тәла ши йис: Хятэл имэв мил пунэс па поснэл лөмтэс. Нөмәлта сорњи күсы – щит милэл, кәт пеләк са йеңта лот – щит поснэл. «Гарэм ицкийа йитыйэн, Хятэл имэн мил пунэл па пос лөмәтәл», – ащем тәлэн лупиләс. Ши тәл пурайэн йәм нумәсэн йухтыйәлсайәм: милән-посән Хятлэв ма аңкем хурасәп. Ши оләнэн ащема лупсәм, лўв па нөхмәс: «Хятэл имэн – иса мир аңки. Щирэн ши, алпа, лын и хурасәпнән». Мәнәм өмәщ вөс милән-посән Хятэл имэв пела вантты па аңкийәм оләнэн нөмәсты. Па йеша шаль вөс: лунән Хятэл имэв немәлхөнты мил па пос ән лөмтыйәл... Ин па хотэл эвэлт ким етмәлән, хятэл ши мурт похнәс, ма иши күрәмән нух питсәм.

Еремей Айпин

Перевод на казымский диалект Соловар В.Н.